





太宗文皇帝實錄

永樂十五年春正月戊子朔

上御奉天殿受朝賀大宴文武群臣及四夷朝使

夜有星如盞大青白色光燭地出天倉西南行至

雲中

庚寅

遼王植潘王模未朝宴于華蓋殿賜其從官宴于

中右門

癸巳

大享

太廟

寧王權來朝宴于華蓋殿賜其從官宴于中右門
神僧傳成

上嘗閱釋氏書採往昔名僧功行之超卓者輯為一
編名神僧傳至是成親製序冠之曰神僧者神化
萬變而超乎其類者也然皆有傳散見經典觀者
猝欲考求三藏之文宏博浩汙未能周徧是以世
多不能盡知而亦莫窮其所以為神也故間繙閱
采輯其傳總為九卷使觀者不必用力於搜求一
覽而盡得之如入寶藏而衆美畢舉遂用刻梓以

傳昭著其迹於天地間使人皆知神僧之所以為
神者有可徵也書此于編首概見其大意云尔命
鍍梓以傳

甲午以

大祀南郊

上御奉天殿文武群臣受誓戒

丁酉

大祀

天地于南郊

上還御奉天殿群臣行慶成禮

是日五春

戊戌... 以郊祀禮成大宴文武群臣及四夷朝使
己亥

岳陽王孟罐妃劉氏薨訃聞遣官賜祭命有司治
喪葬 設遼東建州衛僧綱司命本土僧搭兒馬
班為都綱

庚子

遼王植瀟王摸還國宴如初至各加賜賚其從官
賜錢有差
壬寅

永安公主薨訃聞

上深悼之時初舉張燈宴遂罷之輟視朝四日賜祭
命有司治喪葬主

上之長女母

仁孝皇后王性慈慧請孝經女戒諸書通大義孝敬
勤儉不以富貴自矜洪武二十八年封永安郡主
下嫁儀賓袁容永樂元年十月進封公主仍居北
京北

車駕至京師聞主疾危遣名醫馳驛視之不及薨是
月乙未云

癸卯

蜀王椿來朝以永安公主故傳宴
石璞以罪下獄死

甲辰

楚王栢等各上議各王摠罪曰自古封建親王欲
其藩屏國家如其自作不靖未有不至滅亡欽蒙
條示谷土摠謀逆事俾議其罪栢等謹議得摠違
棄

祖訓陰結惡黨謀為不軌此
天地之所不容

祖宗之所不祐國法之所不恕者按法誅之允協輿
論惟

大兄皇帝陛下裁處

上謂侍臣曰諸王議治以國法固是止論然朕於同
氣寧失之厚侍臣對曰摠既背恩致義
陛下又安得以私親廢公法
上曰朕思所以處之

丁未

安王樞來朝蜀王椿還國賜蜀王銀三千兩鈔六
萬錠未萬石各色紵絲五百疋紗羅各二百五十

足絹千疋纈羅錦六十條蘇州五千斤胡椒三千斤馬一百五匹鞍一副人者百人其從官賜鈔有差

庚戌

改交趾前賓州府及葵州銀清化府貴州之鎮遠銅仁之稅課局為稅課司初鎮遠為州銅仁為長官司及陞為府而二稅課局猶仍舊至是改為

壬子

晉王濟曠來朝

命平江伯陳瑄充總兵官率領官軍備運糧儲并提

晉沿河運米赴北京

太宗文皇帝實錄

太宗文皇帝實錄

永樂十五年二月戊午朔

命韓憲王第二子襄陵王冲林第四子冲焚晉王

長子美墳冠 毛憐衛指揮使猛奇不花車里土

官力暹答孫力美等來朝貢馬^命及禮部宴奔之

遣內官喬來喜等奔佛像佛經金銀法器絲幣等

物往烏思藏賜正覺大乘法王昆澤思巴 烏思

藏大國師釋迦也失遣人貢馬賜佛像法器絲幣

等物

己未

楚世子孟悅來朝 命車里故宣慰使刀遲答孫
刀美襲宣慰使仲子刀雙益為本司同知從土人
所請也

庚申

占城國王占巴的賴使臣謝那該等辭歸命禮部
賜占巴的賴大統曆及文綺二十六疋

辛酉

右軍都督僉事張欽卒欽邳州睢寧人初為卒隸
燕山左護衛有膂力善騎射從

上平內難每戰常被甲持戈突陣而前所向無敵填

上白溝之捷欽與有功累陞都指揮僉事進驃騎
將軍右軍都督僉事永樂八年以罪命從成安侯
鄭亮開平立功至是以疾還京卒遣官賜祭追贈
奉天翊衛宣力武臣特進榮祿大夫柱國新泰伯
謚剛勇孫榮釀金吾左衛指揮使同時有周長者
泗州天長縣人善騎射初為燕山中護衛卒
上舉義靖難戰白溝東昌葉城皆與有功累陞北
平都指揮僉事進左軍都督僉事奮勇善戰與欽
相將及卒追封奉天翊衛宣力武臣特進榮祿大
夫柱國萊陽伯謚忠毅

壬戌

晉王濟橫還回賜賚甚厚其從官賜鈔有差
雲南鶴慶軍民府順州知州王義言州雖係蠻夷
然歸附以來霑被聖化三十餘年声教所暨語言
漸通子弟亦有俊秀請建學教育庶幾人材可成
從之

癸亥

楚世子孟悅辭歸賜以鈔幣 谷王穗以謀逆削
爵為庶人革其護衛及長史司等衙門賜勅諭穗
曰尔頑狠兇悖棄滅天倫造為反逆賴

天地眷祐

宗社之靈蜀王忠孝發尔陰謀罪狀顯著諸王群臣
咸請明正國法尚念至親曲加寬貸今削尔王爵
降為庶人以全餘生朝廷於尔恩甚厚矣其深省
之 山西布政司左布政使周璟右布政使張春
叅政李冲張璘有罪逮至命釋之

甲子

安王楹還回賜以鈔幣等物其從官賜鈔有差
修含山公主府

丙寅

江西按察使裴承祖卒承祖湖廣長陽縣人洪武
中由國子生擢監察御史陞浙江按察使坐事免
永樂二年用薦起為江西按察使為政寬和然碌
碌循衆無所建明云

丁卯

遣官釋奠先師孔子

命豐城侯李彬佩征夷將軍印充總兵官往鎮交址
且諭彬曰交址本中國地其人皆朝廷赤子朕懷
撫綏勤于夙夜尔又事藩邸忠厚謹飭藺在朕心
用是付茲重寄尤宜日親賢人君子效古良將之

所為審度事機區畫有法庶副朕之委任

勅兵部尚書陳洽曰今命豐城侯李彬往鎮交址奠
安邊圉綏撫民兵尔請彼人情可暫留贊襄俟有

召回京

戊辰

祭

太社太稷 遣官祭先農

己巳

福清公主薨

上輟視朝三日賜祭命有司治喪葬主

太皇高皇帝第八女母安妃鄭氏洪武十八年三月
下嫁駙馬都尉麟云 建州左衛指揮猛奇帖木
兒奏舉其頭目卜顏帖木兒連奇等堪任以職
命為指揮千百戶 浙江布政使鄧謹有罪謫戍
邊

辛未

魯王肇輝來朝

壬申

命恭寧侯陳瑋掌繕工事安遠侯柳升成山侯王
通副之仍命禮部鑄印給之制視都督府文曰繕

工之印命吏部設經歷司置經歷壹員從五品都
事四員止七品

甲戌

肅王拱來朝

命掌繕工事恭寧侯陳瑋成山侯王通兼掌北京行
後軍都督府事 河南布政司左布政使周文襄
右布政使王文振俱坐罪謫湖廣均州為民
乙亥

魯王肇輝還國賜之絲幣等物其從官賜鈔有差
陞左春坊左諭德兼翰林院侍講楊士奇為翰

林院學士仍兼諭德鴻臚寺左寺丞嚴朝育為本
寺右少卿陝西布政司左叅政李成功為右布政
使右布政使楊恭為左布政使藍運司同知姚永
為廣西布政司左叅議廣西布政司左叅議陳善
為河南按察司副使寧州同知陳文質為廣東按
察司僉事改浙江按察司僉事錢述於湖廣按察
司湖廣按察司僉事羅貴素於廣東按察司權翰
林院庶吉士胡啟先為廣西道監察御史 命故
孝陵衛指揮使蕭遜子顯府軍後衛指揮僉事曹
真子敬襲父職 河間府滄州言州民有死其種

馬者有欠孳生駒者例應買償而去年水澇田稼
不登方有艱食之患願以鈔償事下兵部議兵部
言若全令償鈔恐民急事宜令每群以三分之一
輸鈔餘仍追馬從之命著為令

丁丑

修

孝陵殿宇

慶王嬭未朝 命靖江王守謙第三女為崇善郡
君配桂林右衛千戶李進之弟濟其第四女為永
淳郡君配桂林右衛千戶王銘弟鐸濟鐸皆授朝

列大太宗入府儀賓

己卯

陞江西道監察御史康慶為四川布政司左叅政
禮科給事中尹醇為右叅政 設八郎安撫司隸
四川都司

辛巳

陞四川天全六番招討司吏目為天全六番招討
使司經歷司經歷其品秩視宣慰司經歷

壬午

肅王拱還國賜紵絲五十疋紗羅各三十疋絹三

疋百疋其從官賜鈔有差

癸未

四川都指揮使郭贊有罪罰工役初贊在任多不
律

上遣監察御史羅通按之贖以皮裘象笏賂通併以
聞遂命罰役

甲申

黑龍江等處女直野人必里伊你宋散等來朝奏
願隸蒼罕山等衛戍守自効遂授指揮千戶鎮撫
之職

丙戌

安出河等處女直野人哈刺若出等來朝置亦東河亦速河二府命哈刺苦出出咩哈為指揮使保廼刺忽等為副千戶散只木等為百戶孛南奇等為所鎮撫賜詰印冠帶襲衣及鈔帶有差

太宗文皇帝實錄

太宗文皇帝實錄

永樂十五年三月丁亥朔

上將巡狩北京命禮部定東宮留守事一常朝于文華殿視事其左右侍衛及在京各衙門官員人等啟事皆如常儀其在外文武衙門合奏事具奏待報而行一近侍官內使傳令旨處分事者所司行之仍其實奏聞一凡攝祭

天地及享

太廟祭

社稷風雲雷雨山川之神如期齋戒敬謹嚴肅其祀

典神祇太常寺預期具啟遣官祭之一內外文武
大小官員俱從行在吏部兵部奏請銓選一皇親
及軍職王府護衛指揮長史等官並各處土官有
犯俱奏請收問其在京文職官有犯堂上官奏聞
待報五品以下具啟收問在外文職官員有犯方
面及四品以上官所司奏聞收問五品以下者具
啟問之餘悉從永樂七年巡狩所定事宜
南海邊地女直野人散成哈等奉朝命散成哈為
指揮僉事保字路等為千戶等官隸喜刺烏衛賜
誥命冠帶襲衣有差

交陟北江等府州縣選貢生員鄧得等至京命送
國子監進學賜賚如雲南生例初

上既平交趾即命郡縣建學教養生徒至是始選貢

焉

己丑

興平王尚岍永壽王尚灶奉朝

辛卯

湖廣沅江縣民王辰二妻陳氏一產三男事聞命
如例優給

甲午

命胡榮為光祿寺卿

乙未

行

皇太孫妃納禮駙馬都尉西寧候宋琥為正使隆平
候張信為副使其儀物視親王妃有加

頒五經四書性理大全書于六部併與兩京國子
監及天下郡縣學

上謂禮部臣曰此書學者之根本而聖賢精義悉具
矣自書成朕旦夕宮中披閱不倦所益多矣古人
有志于學者苦難得書藉如今之學者得此書而

不勉力是自棄也爾禮部其以朕意曉諭天下學
者令盡心講明無徒視為虛文也 別失八里王
納黑失赤罕遣使哈即哈刺罕等貢方物且致王
言將嫁其妹撒馬兒罕請以馬市裝奩遣中官李
信指揮丁全等齎文綺帛各五百疋助之

丙申

命刑部都察院移文諸司除十惡強盜監候審決其
雜犯死罪及徒流以下悉從還家營路費赴京輸
役贖罪 杭州府錢塘縣知縣葉宗行卒宗行奉
亭入以求賢舉上跡言蘇松水患宜跡濬近海河

道禁民毋私作埧堰以遏其流則水患可息
上善其言命從尚書夏原吉徃理之事竟摧我埧縣
知縣錢塘賦役繁重宗行為定從法令民自占甲
乙第其高下書之於冊循次而後之由是賦役均
平民用無擾詞訟亦簡宗行居官廉動有為太子
少師姚廣孝嘗言宗行可不愧古循吏及是卒民
皆思之

丁酉

陞北京刑部員外郎郭傳為四川布政司左叅議
交趾按察司僉事陸廣平為貴州布政司左叅政

山東道監察御史李原暹為雲南按察司僉事改
山西按察司僉事郭繼宗於陝西按察司中軍
都督同知蔡福有罪謫交趾先總舟師捕倭調度
失律溺死官軍法司論寘重典特宥而謫之
己亥

冊光祿寺卿胡榮女為

皇太孫妃行發冊禮制曰帝王主宰天下必重嫡長
以隆萬世之本必謹婚姻以正王化之原此天地
之常國家之大典也朕嫡長孫皇太孫

天姿英明孝敬仁厚年長已冠宜謂室家爾胡氏光

祿寺卿胡榮之女天作之合茲特授金冊立爾為
皇太孫妃爾其恪遵婦道恭順奉上勤儉以持身
惇柔嘉之令儀崇肅雍之懿德寬惠逮下益弘麟
趾之仁嗣續維蕃用衍螽斯之盛永隆內助光顯
萬年爾其敬之

拜符王有嬪新安王有嬪永寧王有光汝陽王有
嬪來朝

辛丑

慶王璠還國厚賜賚之其從官賜鈔有差
興平王尚珩永壽王尚虹祥符王有嬪新安王有

嬪永寧王有光汝陽王有嬪辭歸各賜之鈔幣以

胡安為府軍前衛指揮僉事賜冠帶衣服隨侍

皇太孫不視衛事安光祿卿榮之子也建洪恩靈

濟宮於北京祀徐知證及其弟知諤初其父溫事

吳揚行密及溫養子徐知誥代楊氏有國封知證

為江王知諤為饒王嘗帥兵入閩靖群盜閩人德

之為立生祠于閩縣之鰲峯累著靈應宋高宗敕

賜祠額靈濟宮入國朝靈應尤著

上聞之遣人以事禱之輒應間有疾或醫藥未效禱

于神輒奇効至是命立廟北京皇城之西賜名洪

恩靈濟宮加封知證為九天金闕明道達德大仙
顯靈普濟清微洞玄冲虛妙感慈惠護國庇民洪
恩真君知謬為九天金闕宣化扶教大仙昭明普
濟高明弘靜冲湛妙應仁惠輔國祐民洪恩真居
王爵如故仍命禮部新鰲峯之廟春秋致祭給酒
掃五戶

壬寅

命皇太孫行親迎禮其醮戒廟見合登等儀俱同親
王
甲辰

永興王尚裂未朝

丙午

用中兵馬指揮韓彬女為韓王冲域妃東城兵馬
指揮俞盛女為寧世子磐斌妃

命漢王高煦居山東樂安州初高煦受冊封命居國
雲南切切以不欲遠去為辭後改命青州亦堅意
不行嘗侍

上在北京時其世子瞻壘及次子瞻^圻皆在高煦處
辭還南京

上留之不從

上欲留騰獻亦不從

上覺其有異志前此高輿所為多不法

上以其長史程石琮紀善周巽等不能^救止皆黜為

吏交吐其後府中有從征軍士三千餘人不隸籍
兵部又侵占各公主府牧地及民田為草場長史

蔡瑛紀善周岐鳳數諫高輿積不能平遂假他事
送岐鳳錦衣衛獄時

皇太子監國謂錦衣衛非王府獄恐

上聞之重高輿之過欲出之又重違高輿意乃降鳳

岐鳳^鳳長洲縣教諭自是高輿益恣肆無忌已而

上聞其縱衛士於京城劫掠為兵部指揮徐野驢所

執高輿遣人捧野驢至以鐵爪撻殺之又聞其支

解無罪入暗投之江及僭用乘輿器物

上猶隱忍未發及車駕南還盡得其私造兵器陰養

死士招納亡命及漆皮為舟教習水戰等事

上怒甚召至面詰之又錄示其不法數十事褫其衣

冠囚繫之西華門內命中官黃儼等晝夜守之將

免為庶人

皇太子懇為救解

上厲聲曰吾為爾去螽賊爾反欲養患自及耶

皇太子跪曰彼誠無狀宜未必有害臣之心

上曰吾為父乃不能知子耶雖爾千萬分友愛彼方

以世民自任而目爾為建成此可容耶不憚而起

他日

皇太子復屢言之

上曰汝若不從吾意又當悔之又曰今可寘之何地

耶既不肯往青州決不可復留于京師雖畿內之

地亦不可容吾今強徇汝意不去其爵處之近畿

之地一旦有變可朝發而夕擒也于是有樂安之

命時

皇太孫亦在側

上語太孫曰吾為君父在上彼尚敢然將來何有於

爾父子爾但毋忘吾言有危

宗社者當為

宗社除之周公誅管蔡聖人所為也 寧王權還國

賜之鈔幣及賜其從官鈔有差

丁未

太監海童等使瓦剌還賢義王太平安樂王把禿

孛羅遣使貢名馬及方物謝罪夜有星如盞大派

丈餘發光如碗大赤色光燭地出東方雲中東南

行至雲中

戊申

封憲王長女為榮河郡主命水軍左衛百戶王政
之子榮為中奉大夫宗人府儀賓以主配之 陞
錦衣衛千戶王節為本衛指揮僉事

永興王尚契辭歸賜之鈔幣 設貴州等處提刑

按察司

庚戌

勅交趾總兵官豐城侯李彬曰朕命爾鎮守一方有
罪者誅有功者賞必務公當乃可服衆

降貴州布政司左叅議江英為浙江按察司僉事

辛亥

以巡將北京告

天地

宗廟

社稷辭

孝陵遣官祭承天門旗纛京都諸廟祀典及大江之
神凡經陵寢祠廟祭祀志如舊 封懿文皇太子
第二女為宜倫郡主命錦衣衛百戶于禮為中奉
大夫宗人府儀賓以主配之

壬子

車駕發京師

太宗文皇帝實錄

太宗文皇帝實錄

永樂十五年夏四月丁巳朔

車駕次鳳陽親祀

皇陵 是日享

太廟命皇太子行禮

庚申

車駕次大店北京廣平府邯鄲縣民詣行在言縣累
歲水災田穡不收而有司徵芻糧如故民多流徙
乞以鈔幣折收

上曰民既乏食鈔帛何從出命戶部覈實蠲之

壬戌

車駕次夾溝親祀徐王墳以鎮撫武勘為徐州衛指揮僉事守王墳

乙丑

車駕次利國復遣太監海童使瓦剌指揮栢齡等副之先是海童自瓦剌還言初瓦剌拒命皆順寧王馬哈木之謀今馬哈木死賢義王太平及安樂王妃禿孛羅二人一心其朝貢皆出誠意至是復遣海童等齎

勅勞太平把禿孛羅且賜之絲幣表裏與其貢使偕

行

丙寅

遣王植第十六子生賜名貴煥

己巳

車駕次鄴城

勅行在戶部臣曰

車駕所過軍士不律壞民田稼者已有禁令有踐傷

者令郡縣覈實奏聞除其今年租稅有先被水旱

車道租亦皆除之

庚癸酉

萬壽聖節

車駕次在平免百官賀禮

甲戌福壽良寶奉圓其今年賦賦或失始本早

車駕次在平免百官賀禮

恭順伯吳允誠卒允誠韃靼人舊名把都帖木兒
永樂三年七月率所部歸附賜姓名吳允誠授右
軍都督僉事命居涼州六年二月領軍從征卜哈
思之地以捕虜功陞右都督九年四月陞左都督
與中官王安追叛虜火脫赤至把力河獲虜人口

馬駝牛羊而歸十年正月封恭順伯十二年從征

沙漠還仍居涼州其卒也遣官致祭命有司治喪

癸

壬午

泥溪五寨等長官司貢方物賜予有差

廣東信宜縣搖首盤福龍等來朝賜之鈔幣

癸未

西宮成其制中為奉天殿殿之側為左右二殿奉
天之南為奉天門左右為東西角門奉天之南為
午門午門之南為承天門奉天殿之北有後殿涼

殿暖殿及仁壽景福仁和萬春永壽長春等宮凡
為屋千六百三十餘楹山東西面門未及二面
甲申歲其楹中山奉天殿殿之四山出或之殿未
琢珠圓中山王思紹山南王他魯每遣使甚謾志
里等貢方物

太宗文皇帝實錄

永樂十五年五月丙戌朔

車駕至北京於奉天殿丹陛設壇告

天地遣官祭北京山川城隍諸神御奉天殿受朝賀

戊子

韃靼頭目史吉連兀等歸命為指揮千百戶各賜

冠帶文綺龍衣

命行在都察院左副都御史李慶兼督營造先命成

山侯王通興安伯徐亨都督薛祿金玉章安譚廣

谷督一事而命泰寧侯陳珪安遠侯柳升總督行

部尚書郭資侍郎崔衍領糧賞至是復命慶同珪等總督

命行在工部造安樂營以居營造夫匠之患病者令太醫院分官率醫士三百五十人給藥療治仍遣監察御史錦衣衛官巡視夫匠亡歿者有司函骨送歸其鄉葬之

庚寅

端午節賜文武群臣宴仍賜鈔有差

辛卯

朝鮮國王李芳遠遣陪臣鄭矩等貢方物賜之鈔

幣巡按雲南監察御史劉潔劾奏雲南布政司

右叅議姚肇松受商人賄賂壞亂鹽法左布政

令使周教右叅政濮銘坐視不舉俱應逮問

上曰藩翰大臣貪黷如此何以責郡縣命潔鞠治

乙未

遣官巡視北京通州至儀真河道

丁酉

和寧王阿魯台遣使脫火赤等三百四十九人來朝貢馬

戊戌

遣西七督篋番僧沙節訖等率衆耒朝貢馬及方物悉賜衣幣

己亥

都察院左僉都御史劉翥工部左侍郎伏伯安生事俱降營繕清吏司主事

辛丑

封肅王長女為崇信郡主
命和寧王阿魯台使臣脫火赤為都督脫歡兒里赤等二百三十四人為都指揮指揮千百戶賜鈔幣有差置居庸關外河合口巡檢司

山西平陽大同蔚州廣靈等府州縣民申外山等請闕上言本處地饒且窄歲屢不登衣食不給乞分丁如京廣平清河真定冀州南宮等縣寬間之處占籍為民撥田耕種依律輸稅度不失所從之仍免田租一年

甲辰

福建泰寧縣言境內馬鞍銀坑採鑿歲久礦脈漸微穴深泉湧難于採辦乞于傍近石厓古坑開煎度幾人力稍易課額不虧從之

丙午

上諭行在兵部臣曰國家兵器以禦外侮近有小人貪圖貨利私鬻出境反以資寇宜嚴止犯者雖勲戚不宥京報丁未春京報

權交吐交州府土人頭目胡杜為又安府知府賈冠帶釐衣鈔幣

壬子

行在兵部言熈寧關安威虜環州四堡每堡舊設官軍二百皆自宣府懷安萬全諸衛調至因無家屢逃今新設保安左衛五所居懷素者俱有家室

大宜令每所撥五百戶徃守四堡堡令千戶一員統之其中所官軍宜令也調守長安嶺令指揮一員統之俱聽掌保安衛都指揮王禮總督

上從之令每堡先于保安撥二百戶餘俟酌量選補

乙卯

夜有星如盞大青白色有光出正西雲中西北行至雲中

太宗文皇帝實錄

永樂十五年閏五月丙辰朔
戊午

琉球國中山王思紹山南王他魯每使夜臣甚謾志

里等辭歸賜鈔及文綺表裡全織紗衣而賜其王

鈔及絨錦織全文綺紗羅

庚申

福餘衛指揮使喃不花來朝貢馬賜籠衣鈔幣

丙寅

賜文武百官扇

賜文淵閣大學士魚左春坊大學士胡廣翰林院
學士魚右春坊右庶子楊榮翰林學士魚右春坊
右諭德金幼孜金織紗衣各一襲

設北關守禦千戶所于文吐歸化州隸雲南都司
設文吐東潮等州縣巡檢司東潮州之古輦江
下墓翁支封縣之阿躡社四岐縣之但江善才縣
之箇齊江口平河縣之麻牢江峽山縣之涇河高
靖安縣之戶陳安和縣之大隴東潮縣之新安社
淡水江口棠縣之竹筒社同縣之婆移江布縣之
太語江口濱州之羊變社偃江縣之可楞江古社縣

之二議江思容縣之婆門社新安縣之脫門海口
其濱州之偃江古社思容新安四縣民少如所設
弓兵不能及數命于衛所土軍內撥補
交吐總兵官豐城侯李彬奏文吐賊人阮貞等復
聚衆于陸鄒縣殺掠人畜今已就擒準貞當免其
妻子給功臣之家為奴請于本境徇衆俾人知警
懼從之

戊辰

福建汀州賊劉勝孫糾集無賴自號太平將軍攻
清流縣劫殺居民守臣執其首數人送京師斬之

條黨散走

己巳

行聖公孔彥縉奉朝賜全織紗衣羊酒

庚午

封晉王濟煥長女為陽城郡主

癸酉

禁僧尼移建庵院

上以洪武年間天下寺院皆已歸併近有不務祖風

者仍于僻處私建庵觀僧尼混處屢犯憲章乃命
禮部榜示天下俾守清規違者必誅

丙子

命故陝西都指揮同知李昂任剛為金吾右衛指揮

使初昂為本衛指揮同知以靖難有功陞都指揮

同知卒無子剛應讓指揮同知

上念昂之功故陞授之

丁丑

陞山西道監察御史成務為貴州按察使改山西

按察司僉事楊勳為貴州按察司王孜于山東按

察司 擢進士吳實監生曹習古趙忠王靜程瑤

賈瑄馮駿秦中汪仕銘陶銳施斌崔錫楊禮何新

為監察御史

戊寅

夜有星如盞大青白色光燭地出尾宿南行至近
濁後二小星隨之

己卯

朝鮮國王李芳遠遣陪臣權軫等貢方物賜鈔及

襲衣文綺有差

庚辰

夜有星如盞大青白色光燭地出斗宿西南行入

箕宿

遣官祭中雷

癸未

修順天府固安縣孫家口等處堤岸

甲申

陞滄州同知李伯震為光祿寺丞

太宗文皇帝實錄

永樂十五年六月乙酉朔

丙戌

和寧王阿魯台使臣脫火赤等辭還遣指揮徐晟等賞勅及金織文綺六十表裏賜和寧王與之偕行一改交趾定昌府永涸縣隸本府初永涸縣隸快州以本縣言去府近于州故也

丁亥

夜有星如鷄子大青白色有光出陰德東北行入紫微西蕃外

戊子

兀良哈泰寧朵顏等衛都督阿者失里遣子賽因不花等貢馬賜襲衣鈔幣

己丑

勅開平備禦成安侯郭亮嚴兵備以指揮朵兒只自兀良哈還言虜衆屯哲兒口切近開平故也

癸巳

陞掌金吾右衛都指揮同知許亨為浙江都指揮使

甲午

賜西寧等處僧叱吧兒監藏等圖書護勅

丁酉

交趾總兵官豐城侯李彬言交趾順天人黎核潘強及土官同知陳可論判官阮昭主簿范馬緩千戶陳惱百戶陳吾儕南靈州判官阮擬左平縣知縣范伯高縣丞武萬百戶陳巴律等作亂焚二州城柵廨舍殺官吏僭稱名號有衆千餘人即令都督朱廣領軍勦之而交州中衛指揮同知黃振交州右衛指揮同知譚公政順化衛指揮僉事吳葵新平衛指揮僉事潘動等各以兵會殺黎核于陣

及其逆黨五百餘人，生擒潘強、陳可論、阮昭、范馬、
緩、范高、武萬等，皆按無法誅之。阮擬、陳巴律等以餘
衆遁，已督諸將追捕。

上嘉之，勅彬具將士功狀以聞。又令自今土官土人
能宣力效勞者，即上其功以行賞核之。亂也。順州
守備土官指揮同知段公丁、陳恩、齊死之。公丁、思
齊皆交趾南策州人，效順從征王師，擒黎季犛父
子平簡、定陳、季擴等，皆與有勞。公丁累官至交州
左衛指揮同知，思齊為交州右衛指揮同知，俱守
順州。賊變起，倉卒公丁等力戰死之。

己亥

遣人齎勅往金鄉勞使西洋諸番內官張謙，又指
揮千百戶旗軍人等，初謙等奉命使西洋諸番，還
至浙江金鄉衛海上，猝遇倭寇，時官軍在船者纔
百六十餘人，賊可四千，鏖戰二十餘合，大敗賊徒，
殺死無算，餘衆遁去。

上聞而嘉之，賜勅獎勞官軍，陞賞有差。指揮千百戶
衛所鎮撫、旗軍校尉人等俱陞一級，指揮賞鈔二
百錠，綵幣五表，裏千戶衛鎮撫、鈔百錠，百戶所鎮
撫八十錠，綵幣俱三表，裏御醫、番火長鈔六十錠。

綵幣一表裏校尉鈔六十錠綿布四疋旗軍通事
大長軍匠鈔五十錠綿疋三民醫匠人厨後稍水
鈔四十錠綿布三疋傷故者本賞外加賞指揮鈔
百錠絲幣二表裏千戶衛鎮撫鈔八十錠百戶
所鎮撫六十錠絲幣俱一表裏御醫耆大長鈔四
十錠校尉三十錠旗軍通事大長軍匠二十錠民
醫匠人厨後稍水十五錠自御醫以下綿布俱二

疋

甲辰

復設湖廣長沙府稅課司及官永樂初有稅課撥

賜各王府至是王以罪降廢人國除故復設官掌
之改山東兗州府濟寧州穀亭孟陽泊二關隸
魚臺縣改貴州前普安安撫司儒學為普安州
儒學稅課司為稅課局以安撫司革為州也

乙巳

真臘國王恭烈昭平牙遣使貢方物賜鈔羅籠衣
有差

丙午

裁革湖廣郴州興寧縣縣丞主簿

丁未

陞浙江道監察御史紀諄為文陞按察使

戊申陞廣東按察使與學無恙

朝鮮國王李芳遠遣陪臣元閔生等貢方物

辛亥

陞翰林院侍講曾榮為本院侍講學士解州知州
曾光為山西布政司左叅議北京道監察御史殷
旦福建道監察御史徐奇為文陞按察司副使河
南道監察御史張翼為貴州按察司僉事擢進士
徐義侯執為監察御史儒士郭張善為翰林院檢
討張善廣東潮陽人自陳幼孤賴繼母陳氏撫教

而成類出仕報效

上令翰林試其文可取故有是命 夜有星如鷄子

大赤色光燭地出侯星傍西北行入貫索北

是月修保定府新城容城二縣社村等口堤岸

太宗文皇帝實錄

太宗文皇帝實錄

皇永樂十五年秋七月甲寅朔

享

太廟命皇太子行禮

遣官祭歷代帝王

陵寢

乙卯

設四川天全六番招討使司醫^學及僧綱司

癸亥

遼東都指揮僉事徐忠以私忿杖殺軍士宥死謫
戍開平立功自效

乙丑年五月

夜月犯牛宿大星

丙寅

濟州衛指揮僉事王二等自陳年老不任事無子
讓職乞循例優給

上以其筋力未衰而南京事簡命還南京就祿視事

大丁卯

朝鮮國王李芳遠遣陪臣申既等進箋及方物賀
皇太子千秋節

大邑邑

以征交趾功陞成都右衛指揮使王演為都指揮

上僉事仍掌本衛事

庚午

設四川烏撒軍民府及雲南臨安府增峨縣二儒
學貴州鎮遠府儒學 河南都指揮使司言闕官

上親簡都指揮王真凌雲命乘傳往視事各賜鈔六

命百錠

辛未

命張端為中順大夫宗人府儀賓以肅王長女崇信
郡主配之端虎賁右衛百戶勝之子也

癸酉

命福建故都指揮使王觀子斌襲金吾左衛指揮使
時斌應襲指揮僉事以觀有靖內難功特陞之
命故浙江都指揮同知胡麟子通鎮守宣府都指揮
同知單福子禎俱襲指揮同知麟福皆揚州衛舍
人大軍至天長麟擒守城御史王斌福擒指揮崇
剛等詣營歸附俱陞都指揮同知以疾卒通與禎
各請襲職兵部言麟福功不應世襲

上特命俱襲指揮同知命通任浙江屬衛禎任宣府
前衛

甲戌

行在兵部尚書方賓言幼官襲者有免缺例不應
襲

上曰命武臣當察其勇智怯懦及武事如何豈當論
相貌孫贖既則足智尚可用况立軍功者皆望祿
及子孫一不得襲即祿絕矣此人將來生子當不
復免缺豈可絕其祿命襲之

乙亥

賜皇太子務本之訓復賜勅諭曰往者朕以汝侍
行歆其周知民事遂作書教之名務本之訓此書

于帝王修齊治平之道粗備且皆切實之言今別錄賜汝閒服能沉潛玩味觸類而長大有益矣別賜皇太孫此書賜勅曰爾將來嗣有

宗社人民之寄今閒暇宜與儒臣講明而服膺之庶幾克稱他日太平之望

丙子

皇太子千秋節免賀禮

戊寅

旦壽星見百官請賀

上曰比歲壽星見卿等以為瑞致賀然四方旱澇皇

疫比比有之而鮮有為朕言者朕之所願時和歲豐天下之人俱得其所賢者在位諤慝不作百工舉任其事政平訟理國家清明此可為瑞壽星之瑞不足賀

陞鴻臚寺司儀署丞胡林司賓署丞劉順並為本寺右寺丞 夜有星如盞大青白色有光出東南雲中西南行至游氣中

己卯

朝鮮國王使臣元閔生申既等還國賜鈔文綺有差仍賜其王練幣二百疋

庚辰

廣東都指揮同知李瑞有罪謫北京輸作

辛巳

築口北黑峪南墩北墩中墩苗鄉嶺外墩高嶺口
墩白河口墩 隆慶衛指揮使袁納言溢口嶺外
白河左右黑峪口川有荒地五百六十餘頃宜分
撥永寧衛軍士屯種從之仍令開溢石嶺苗鄉嶺
二山口以通徃來

壬午

擢進士于綱王珣為監察御史改廣東右布政使

劉瑾于福建布政司陞廣東布政司左叅議吳淵
為浙江布政司右叅政改刑部郎中張建為山東
按察司僉事山西按察司僉事霍毅于浙江按察
司
癸未

賜文淵閣大學士兼左春坊大學士胡廣翰林院
學士兼右春坊右庶子楊榮翰林院學士兼右春
坊右諭德金幼孜二品金織襲衣等物
刑科給事中阮瑤有罪誅

太宗文皇帝實錄

太宗文皇帝實錄

永樂十五年八月甲申朔行在禮部言權蘇祿東
回巴都葛叭荅刺權蘇祿西回麻哈刺叱葛刺麻
丁故權蘇祿峒者之妻叭都葛叭刺卜各率其屬
及隨從頭目凡三百四十餘人奉金鍤表耒朝貢
獻珠寶石玳瑁等物賜予視滿刺加國王
丁亥

遣官釋奠先師孔子 山西振武衛等處營造軍
民周張保等當代還自陳願留工作報致命人賞
鈔四十錠布四疋綿花三斤千戶百戶加鈔十錠

月給糧賞如舊

戊子祭

太社

太稷

命皇太子行禮

命汝南王有燹度長子子瑾為鎮國將軍

己丑

北京刑部鄉試奏請考試官

上命行在翰林院侍講兼左春坊左中允鄒緝侍講

王洪考試賜宴于本部

環球國中山王思紹遣

使亞勃結制等貢馬賜鈔及文綺表裏遣還

庚寅

改命行在翰林院侍講王英為鄉試考官侍講王

洪為禮部主事洪杭州人由進士任行人陞給事

中以文學擢翰林院檢討陞修撰復任侍講洪初

有操守恒自負矜已傲物醉輒出忿語斥同列以

不得為學士中懷怏怏嘗密跡誣學士胡廣其父

子祺為延平府知府以罪死廣不當於實錄隱其

罪

上察知其子祺實卒於官遂不直宣洪至是北京刑部

上奏請鄉試官

上命廣等擇人廣等以緝洪對

王從之已受禮幣洪復密跡于祺事

上曰此小人豈可以在侍近命禮部追所受禮幣而

改命英考試出洪為主事洪既出失措乃諂事尚

書呂震方賓以求薦達震等屢言於

上不聽洪飲恨未幾病死

辛卯

應天府鄉試啟請考試官

皇太子命翰林院侍講兼右春坊右贊善梁潛侍講

陳全考試賜宴于本府夜月掩建星東第三星

卦巴都葛以答刺為蘇祿國東王麻哈刺叱葛刺

麻丁為蘇祿國西王以都葛巴刺卜為蘇祿國峒

王並賜誥命及護衣冠服印章鞍馬儀仗隨從頭

目三百四十餘人賜冠帶金織文綺羅衣有差

甲午

行在通政司言歐寧縣人進金丹及方書

上曰此妖人也秦皇漢武一生為方士所欺求長生

不死之藥此又欲欺朕朕無所用金丹令自食之

方書亦與毀之母令別欺人也

乙未

遣官祭太歲風雲雷雨嶽鎮海瀆山川等神
遣官祭旗纛

丙申

修河南臨漳縣固塚等處隄岸

己亥

封蜀王第四女為江津郡主第七女為蒲江郡主
第八女為金堂郡主第九女為昭化郡主第十女
為順慶郡主第十一女為江安郡主
壬寅

勅山東福建等都司令緣海衛所嚴整軍馬晝夜
謹備遇賊至隨機勦捕慢事必殺不赦時浙江松
門衛奏倭船在海往來故也

乙巳

夜有星如鷄子大青白色尾跡有光出紫微西蕃
內北行至近濁後二小星隨之

戊申

遼東廣寧衛進嘉禾

己酉

改四川按察副使趙彬於陝西按察司
福建沙

縣賊陳添保等伏誅初添保與縣人杜孫李烏甫
及尤溪余馬即龍巖樊添受永春林九十德化張
五官等聚衆作亂燒劫尤溪銀場殺中官及土民
三十餘人官軍捕之四散逃匿既又僭稱太平大
人先鋒等號招集賊衆燒清劫流等縣殺縣官軍
民三十餘人至是福建守臣執送京師誅之嘉
興府賊倪弘三等伏誅弘三糾集無賴作亂劫掠
鄉村三年衆至數千往來蘇湖常鎮諸郡殺害官
民商賈不可勝計發兵二千合浙江都司兵討之
反為賊所敗官軍多被殺傷其勢益橫浙江按察

使周新一志討賊立賞格躬督兵搜捕列木柵於
小江港議斷其走路賊無所容乃趨北河新遣壯
勇躡至桃源縣生繫其首數人送京師至是皆磔
于市蘇湖諸郡之民始安

庚戌

蘇祿國東王巴都葛以吞刺西王麻哈刺吒葛刺
麻丁峒王叭都葛叭刺卜辭歸人賜金箱玉帶一
黃金百兩白金二千兩羅錦文綺二百疋絹三百
疋鈔一萬錠錢三千貫金繡蟒龍衣麒麟衣各一
襲賜其隨從頭目文綺絲絹錢鈔有差

晝太白見已位

壬子

安王楹薨

太宗文皇帝實錄

太宗文皇帝實錄

永樂十五年九月癸丑朔

甲寅

哈密忠義王免力帖木兒遣使兀馬兒沙貢馬賜鈔幣遣還

乙卯

命都指揮谷祥張翥徃直隸府州及浙江福建綠海

巡捕海寇

戊午

陞戶部郎中史怡兵部郎中王靈為江西布政司

左叅政刑部郎中林崧為右叅政兵部郎中熊本
誠為福建布政司左叅政刑部郎中劉子春為浙
江布政司左叅政北京刑部郎中李應春為右叅
政揚謹行為山東布政司左叅政劉琪為右叅政
戶部郎中朱光才為陝西布政司左叅政禮部員
外吳福為右叅政北京刑部郎中間質戶部員外
郎李衡為湖廣布政司左叅政大理寺右寺副周
復則為四川布政司左叅議行人司正胡俊為右
叅議大理寺右評事張以澄為河南布政司右叅
議禮科給事中趙緯為四川按察司副使工科給

事中郭良為江西按察司副使刑科給事中韓春
山東道監察御史夏禮為陝西按察司副使廣西
道監察御史潛溟為廣東按察司副使湖廣道監察
御史吳復為廣西按察司副使遣大監張謙賞勅
往諭古麻刺郎國王幹刺義亦敦奔并賜之絨錦
紵線紗羅

己未

新製鹵簿 復設陝西臨洮鞏昌洮州岷州等
衛關隘

庚申

命故安鄉伯張勇男安襲爵

夜熒惑犯左執法

辛酉

重陽節賜文武群臣宴

癸亥

勅遼東總兵官都督劉江又遼東都指揮使司曰有
自虜中還者言虜歲凶乏食欲肆掠各七堡其來
必自大凌河或寧廣義州州宜令各衛慎固防守
毋為所襲

甲子

不都河等處女直野人頭目兀令哈等來朝命兀

令哈等為副千戶木答劉等為百戶木當加等為
所鎮撫真臘國王峇烈昭平牙使臣辭歸賜賚有
差并賜峇烈昭平牙金織文綺紗羅二十四疋

乙丑

賜文淵閣大學士兼左春坊大學士湖廣翰林院
學士兼右春坊右庶子楊榮翰林院學士兼右春
坊右諭德金幼孜白金各五十兩絳幣四表裏帛
布各十疋蘇祿回東土巴都葛以峇刺歸次德州
病卒訃聞遣官賜祭命有司營墳葬以王禮

上親為文樹碑墓道留其妃妾及僮從十人守墓今

甲三年還國仍遣使賫勅諭其長子都麻言曰爾
父知尊中國躬率家屬陪臣經涉海道萬里來朝
眷其誠悃已錫王封優加賜賚遣人護送還國舟
次德州以疾歿朕聞之良用閔悼已葬祭如禮爾
爾以嫡長為國人所屬宜即繼承以綏藩服今特
命爾為蘇祿國東王爾尚益懋忠貞敬承
天道以副眷懷以承爾父之志欽此

丙寅

琉球國中王世子尚巴志遣使鄒梅住尼九等
貢馬及方物賜鈔幣遣還設文吐入安府廣積庫

衙儀縣丹昭海門巡檢司監課司監課提舉五博
濟廣濟遠濟安濟演濟五監倉南界真福千冬三
場監課司再定應天鳳陽滁和等府州養馬例初
行在兵部言太僕寺馬洪武初以應天太平鎮江
揚州廬州鳳陽六府滁和二州民牧養其後馬多
乃令淮徐之民分養今太僕又言馬蕃息宜令安
慶寧國廣德分養為便

上曰安慶三府只循洪武例馬多則令群臣別議分
養至是定議鳳陽廬揚滁和在江北者五丁養一
馬應天太平鎮江在江南者十丁養一馬若後馬

益多江南十丁內增一馬淮徐郡雖近時始養馬亦宜計丁始均以聞從之

丁郊

修孔子廟記

上親製碑文刻石其詞曰道原於天而具於聖人聖人者繼天立極而統斯道者也若伏羲神農黃帝堯舜禹湯文武周公聖聖相傳一道而已周公歿又五百餘年而生孔子所以繼往聖開來學其功賢於堯舜故曰自生民以來未有盛於孔子者也四時流行化生萬物而高下散殊咸遂其性者天

之道也孔子祭天地贊化育明王道正彝倫使君君臣臣父父子子夫夫婦婦各得以盡其分與天誠無間焉故其徒曰夫子之不可及猶天之不可階而非也又曰仲尼日月也無得而踰焉在當時之論如此且萬世無敢有異辭焉於乎此孔子之道所以為盛也天下後世之蒙其澤者實與天地同其久遠矣自孔子沒于今千八百餘年其間道之隆替與時陟降遇大有為之君克表章之則其政治有足稱者若漢唐宋致治之君可見已朕皇考太祖高皇帝天命聖智為天下君武功告成即

興文教大明孔子之道自京師以達天下並建廟
學偏賜經籍作養士類儀文之備超乎往昔封孔
子氏孫世襲衍聖公秩視二品世擇一人為曲阜
令云學教官孔孟顏三氏子孫嘗幸太學釋奠孔
子竭其嚴敬尊崇孔子之道未有如斯之盛者也
朕繼承大統正法成憲尚惟孔子之道

皇考之所以表章之者若此其可忽乎乃曲阜關里
在焉道統之緣實由於茲而廟宇歷久漸見墮敝
弗稱瞻仰性命有司撤其舊而新之今茲畢工宏
邃壯觀度稱朕敬仰之意俾凡觀於斯者有所興

起致力於聖賢之學敦其本而去其末將見天下
之士皆有可用之材以贊輔太平悠久之治以震
耀孔子之道朕於是深有所望焉遂書勒碑樹之
于廟系以詩詩曰巍巍玄聖古今之師垂世立
言生民是資天將木鐸以教是界欲謂無言示之
者至惟天為高惟道與參惟地為厚惟德與合生
民以來實曰未有出類拔萃難乎先後示則不遠
日用攸趨教叙有彞遵于聖護仰惟

皇考聖道日崇禮樂若平身底厥功曰予祇述詎敢
或懈聖緒丕承儀憲永賴巖巖泰山魯邠所瞻新

廟奕奕筋紀有嚴鼓鍾煌煌粲粲擊八音相宣
聖情怡澤作我士類世有才賢佐我大明於萬斯
午朝鮮國王李芳遠遣陪臣鄭鎮育馬并方物
賜鈔及綺帛遣還雲南木邦宣慰使罕兵法孟
養宣慰使刁得孟等遣使育馬及方物賜罕賓法
等凡鈔五千錠練幣五十疋
戊辰
命行在兵部天下衛所官軍累歲所養馬死及虧
欠馬駒者悉免逮夜月食既
己巳

庚人允通卒賜祭允通懿文太子第三子母妃常
氏開平忠武王遇春之女允通建文中封吳王
上嗣位之初正封號改廣澤王以罪免為庶人至是
卒

上聞訃歎曰吾既往不咎矣於親親寧過厚也命以
禮葬之

庚午

陞翰林院修撰沈壑為本院侍讀

癸酉

造文官金織文綺三千匹

丙子

安王楹薨計聞 上悼惜之輟視朝五日謚曰惠

賜祭命有司治喪葬

皇太子親王皆遣祭王

太祖高皇帝第二十一子洪武二十四年受封永樂

六年之國平涼王聰敏好學不事游戲薨年三十

五無子國除

工 戊寅

馬兒哈蘭田田哈王撒谷打丁等來朝貢馬賜賚
有差

己卯

擢蕭湘盧儒張士寔周中和陳景和陸伯綸袁文

揚學曾趙迪林虎兒王真為中書舍人凌晏如吳

節李文殊陳孟昇孫濬張周琬為給事中初蕭湘

盧儒以秀才薦入翰林習字士寔等以工楷書寫

誥勅歷年既久故擢用之

庚辰

夜有星如鷄子大青白色有光出天苑西南行至

雲中

辛巳

上謂行在工部臣曰四方之人服後京師者水土
習加以寒暑勞勤盖有致疾而醫藥久未痊者此
皆盡力奉公當加卹之今天氣已寒其給行糧遣
人護送還家仍令有司善存撫之 陞交趾清化
府知府梁汝笏為交趾布政司左在叅政仍掌清化
府事汝笏交趾人旌其有招撫功也

太宗文皇帝實錄

太宗文皇帝實錄

永樂十五年冬十月癸未朔享

太廟命皇太子行禮

是月交趾總兵官豐城侯李

彬遣都指揮朱廣領兵勦捕賊首楊進江廣攻破
北晝等寨禽進江等悉斬以徇餘賊潰散

甲申

給賜營造軍民夫匠胖襖袴鞋及綿布綿花

乙酉

遣刑部員外郎中呂淵等使日本時捕倭將士禽
寇數十人獻京師賊首有徵葛成二郎五郎者訊

之皆日本人群臣言日本數年不修職貢意為倭
寇所阻今賊首乃其國人宜誅之以正其罪

上曰遠夷威之以刑不若懷之以德姑宥其罪遣還
於是命淵等送還日本賜璽書諭國王源義持曰
爾父道義能敬天地事天恭修職貢國人用安盜
賊不作自爾嗣位及父之行朝貢不供屢為邊患
豈事大之道天生斯民立之主宰大邦小國上下
相維無非欲遂民之生耳爾居海東蕞爾之地乃
憑恃險阻肆為桀驁群臣屢請發兵問罪朕以爾
大狗盜鼠竊且念爾父之賢不忍遽絕曲垂寬貸莫

爾悔悟比日本之人復寇海濱邊將獲其為首者
送京師罪當棄市朕念其人或爾所遣未忍深究
姑宥其罪遣使送還爾惟迪父之行深自克責以
圖自新凡比年並海之民被掠在日本者悉送還
京不然爾罪益重悔將無及

丙戌

夜有星如盞大青白色尾跡有光起自文昌東北
行至近濁

戊子

華文吐新安府至靈縣之稅課局陰陽學僧會道

會司及太原府富良縣之僧會司以附郡城不應設也

己丑

革貴州石阡長官落橋葛容溪銀場局

壬辰

命顧瑄為中春大夫宗人府儀賓以晉王長女陽

城郡主配之 修通州城東白富河橋

丙申

勅掌陝西都司都督僉事胡原曰邊境屯戍所以

防禦寇暴所務甚重如綏德極邊之地尤宜加意

防慎爾乃盡撤守備官軍營幹他事倘虜乘虛而

入何以制之宜善計度毋蹈失機之禍

庚子

改四川按察僉事李清於廣東按察司

壬寅

賜寧國長公主鈔萬錠綵幣六十疋

丁未

勅甘肅總兵官都督費獻曰今虜中有來歸者加

意撫綏蓋聞瓦剌之衆於兀古者河大敗阿魯台

故也遼東總兵官都督劉江奏今歲兀良哈之地

早奉寧衛指揮鎖南等以馬千疋來易米前此易米者其數不多止用馬數今奉寧一衛用車三百輛運米慮柔顏福餘諸衛皆來則無以給之况遼東極邊無他有司供給守備守軍數多每年安樂自在二州寄任韃官俸糧歲用浩大而舊定馬價甚高上上馬一疋米十五石絹三疋下者米八石絹一疋如悉依舊例則邊儲空匱宜令所司更議馬直搏節糧儲並增布絹中半市之庶外夷蒙博施之恩而邊儲無不給之患

上曰江所言是命兵部定議行之

大戊申

陞翰林院典籍鄭叔美為本院檢討湖廣道監察御史邵紀為江西按察司會事廣東道監察御史王玘張培為陝西按察司會事吏科給事中党忠為江西按察司會事夾江縣知縣蔡楫為浙江按察司會事北江府知府白琛為山東鹽運使改陝西右叅政王敏於廣西布政司山東右叅政房安於四川布政司湖廣右叅議魏永於廣西布政司擢進士林垣林時為陝西按察司會事陳揮為貴州按察司會事楊鑑楊潤嚴繼光為監察御史

已酉金華林縣縣丞孫文舉等奏為
陞萊州府知府韓傑為兩浙鹽運使
庚戌成化五年六月二十四日
淳泥國王遐旺遣叔祖麻木等貢方物
金華北平府府志卷之四十四
西州縣志卷之四十四
東州縣志卷之四十四
中州縣志卷之四十四
南州縣志卷之四十四
北州縣志卷之四十四
西州縣志卷之四十四
東州縣志卷之四十四
中州縣志卷之四十四
南州縣志卷之四十四
北州縣志卷之四十四

太宗文皇帝實錄

太宗文皇帝實錄

永樂十五年十一月壬子朔書諭皇太子明年正月十三日大祀

天地命尔行禮其精潔致齋恪共乃事款哉行在教天監進永樂十六年大統曆

上御奉天殿受之頒賜諸王及文武群臣甲寅

上嘉朝鮮國王李芳^遠勤修職貢遣使貢勅及白金二千兩文綺表裏二百疋紗羅絨錦五十疋馬二十匹賜芳遠仍賜其妃文綺表裏八十疋

乙卯

勅遼東總兵官都督劉江曰尔奏欲更議馬直已見
上体國之心况今年遼東薄收正宜樽節以舒用今
更定其價上上馬每疋米五石絹布各五疋上馬
米四石絹布各四疋中馬米三石絹布各三疋下
馬米二石絹布各二疋駒米一石布二疋其他有
天可以邊實儲者尚悉心計慮以副朕倚託之重交
趾升華府知府嚴律已等奏占城侵據地方拘制
所屬官不容理事勅總兵官豐城侯李彬斟酌處
置

丁巳

冬至

上御奉天殿受朝賀大宴文武群臣及四夷朝使

壬戌

夜有星如盞大赤色尾跡有光起自天津旁西行
至游氣後一小星隨之

乙丑

提弗衛指揮使塔失舉送哈刺把秃兒等至京命
哈刺把秃兒為指揮僉事兀失哈安出哥為副千
戶賜誥勅冠帶襲衣鈔幣

命故都指揮同知劉景名子海襲羽林前衛指揮使
海應襲指揮同知
上念景名靖難功特命襲指揮使
命貴州都指揮使胡通海致仕

庚午

四川播州宣慰使楊昇奉朝貢馬三十疋賜白金
龍衣鈔幣

辛未

勅遼東總兵官都督劉江曰近指揮孫兒只還自兀
良哈言虜寇至邊書則潛伏夜則出入烟墩下守

者皆不覺果如此言為將不嚴之過然虜多詐此
言未可信今宜密遣三五百人匿道傍俟寇入禽
之然後治守者之罪庶其有警
工部右侍郎簡
芳卒芳山西夏縣人倜儻闊達有大節讀書通古
今重義薄利不以貴富貧賤動其心洪武中舉孝
廉授刑部員外郎陞郎中

上即位陞吉安知府先是金華朱仲智為吉安知府
寬厚廉潔剋革吏弊禮賢愛民民甚戴之會被召
改重慶知府民思慕之而難其繼者已而芳至芳
寬厚持大體而明習吏事庭無滯牘民有告訐者

語立決吏無所容其姦芳以愛民心為而處事曲
當民更大喜吉水有無賴民請關言縣故有銀治
烹煉可獲厚利朝廷遣官以其人覆視既至父老
群訴於芳曰即用無賴者言吾屬父子兄弟不能
保而邑有無窮之患芳曰銀治誠有之乎曰無之
但聞故老云宋時邑有姦民妄言銀治於朝者
後坐誣罔之罪今芒芒山谷上者樹松栢下者藝
禾稼豈嘗見有所謂銀治太守如疑我言請關告
者在此請指說銀治之處我等甘罪芳惻然頷告
者而問之噤不能對父老趣之對卒無對父老又

言此無賴人平日所為罪惡累累皆應坐死其人
在傍聞之惴慄芳曰毋恐罪皆赦前今獨問銀治
有無耳告者即叩頭吐實言我愚昧人而居鄉素
貧誠不甘鄉之人皆華衣美食揚揚言未嘗齒我
也則妄意禍之以至於此死罪死罪惟太守吾父
母何以生之芳為草奏大意謂告者嘗聞故父言宋
時說銀治事而未及詳輒率意上陳今詢邑人老
長皆云素未嘗有銀治即不實甘受銜鎖言人人
同謹以實聞同官或不肯署曰朝廷治銀治吾輩
敢芳命耶奏入如不信胥受罪矣芳曰吾輩奉命

守此^上非以兩民乎今

聖天子仁明在上如天日諸公乃不以直道效臣節
耶有罪芳請獨^任即自署奏同官不得已亦強署
焉

上得奏曰吾因意愚民之妄也遂罷其事然以告者
出於率意也亦不之罪芳自奉儉約日常跡食被
服無紈綺事其母極孝母亦善教凡芳日所行事
夕則命陳於前有未善必讓之芳謹受教不違後
為工部都水主事督浚治河南河渠凡所經郡縣
民情吏治有未便者輒跡以聞陞本部右侍郎至

是以疾卒吉安自芳去其民思慕賢守必曰朱蘭

朱蘭云

壬申

金水河及太液池水凝具樓閣龍鳳花卉之狀奇
巧特異

上賜群臣觀之行在禮部尚書呂震以為禎祥屢見
率百官上表賀

上拒而不受賜勅諭曰朕德涼薄託于萬姓之上懼
弗克負荷夙夜祗事不敢暇豫比歲以來卿等一
遇祥異輒進表賀願朕宴昧寧不自知夫戒謹者

治之所興晏安者亂之所自卿等宜精白乃心勵
臣職奉成憲用以輔朕共承天休書曰右克艱厥
臣政乃入其母因是而有怠心致哉

癸酉

命行在禮部移文中外諸司一遵成憲愛卹軍民必
崇實惠且以農桑衣食之本必及時勸課學校育
材之地必加意勸勉賦役必均平科徭必從實祭
祀必誠敬刑獄必平恕孝順節義必旌表鰥寡孤
獨必存恤材德遺逸必荐舉邊徼徭備禦必嚴固倉
庫出納毋侵欺有司官吏貪暴曠職者監察御史

按察司具實糾舉 改前禮部尚書趙抃為兵部
尚書俾巡督塞^北屯戍凡軍民一切利病及邊務
有不便者具以實聞

命行在戶部以白米二百五十石給安樂^營患病夫伍
甲戌

鞬鞞完者不花速斂台賽罕來歸自陳願居京師
俱授所鎮撫賜予如例

乙亥

朵顏衛頭目幹不兒等來朝貢馬賜鈔幣有差 陞
金吾前衛正千戶張演為本衛指揮僉事賜冠帶

并絳絲衣一襲賞其奉使哈剌之勞

戊寅

陝西進玄兔

勅周王孛曰比新安火者領軍馬假言王來朝直抵大名圍獵因劫掠百姓闖鬻敢假王名領軍馬畿內之地敢行劫掠此非細故可即械送其人來京懲治

陞戶部員外郎王源為山東按察司僉事

降戶科給事中陳天民為山東鹽運司知事

己卯

哈密忠義王免力帖木兒遣使阿力迭里等貢方

物

辛巳

占城國王占巴的賴遣陪臣保麻翁貢方物

太宗文皇帝實錄

太宗文皇帝實錄

永樂十五年十二月壬午朔

皇太子省牲于南郊

癸未

暹羅國王三賴波磨刺札的賴遣使禁咩等百餘人進表貢物謝賜祭其父并命饗爵恩命禮部賜王錦綺紗羅并賜柰咩等鈔幣有差

甲申

擢進士艾廣何卓張宗監生鄭興王佐李昭為吏科給事中教諭徐初進士蕭奇郭顯監生井田宋

徵寇謙田文丁銑唐勝劉凱為戶科給事中教諭
魏凱訓導于會進士周敏學樊鑑生張棗劉芾武
達馮政馬賓為禮科給事中教諭陳玘進士黃完
劉渙監生王斌張就周建劉秉古節張毓清麟為
兵科給事中教訓趙信訓導熊義進士劉蓋劉顯
監生盧智劉啟李敏揚鐸張蕙張芾王矩武襄為
刑科給事中教授周弘宗訓導顏偉進士李實監
生裴祥韓麟為工科給事中

乙酉

周王橐奏請來朝賜勅止之山西行都司都指

揮李謙言大同極邊之地胡寇出沒不時近欲調
騎士巡邏而總兵官都督朱營不許
上曰謙言是也遂勅責營令赴京自陳

己丑

臘日賜文武群臣宴

辛卯

右軍都督僉事歐陽青平青荊州府江陵縣人初
為燕山中護衛百戶以平內難屢立戰功積陞山
西都司都指揮使永樂三年陞右軍都督僉事後
侍高煦頗驕蹇恣肆

工聞之召至北京未幾卒

壬辰

太醫院判韓公達^卒公達故院使公茂之弟為人
方廉自持醫術與公茂齊名初舉郡醫學正科永
樂二年擢太醫院御醫十年陞院判凡御用藥餌
皆躬自精製不以進不以進^卒賜祭命工部給
棺葬之礼如公茂

癸巳

賜淳泥國王叔祖麻木哈密忠義王使臣阿力迭
里占城國王使臣保麻翁等宴

甲午

楚王禎進馬二千匹

王喜受百匹賜書報曰領賢弟厚意矣夫畜馬甚勞
百匹之外餘悉遣還可分遺諸姪也 夜熒惑到
房宿北第一星

丙申

哈烈撒馬兒罕諸國各遣使隨中官魯安郎中陳
誠等來貢馬及方物賜文綺紗羅襪衣有差

丁酉

命平江伯陳瑄克總兵官率領舟師漕運糧儲赴北

京雲南麓川平緬宣慰使思任發遣入貢馬及
方物賜鈔幣遣還

庚子

夜有星如碗大青白色尾跡有光星宿南行至游
氣

辛丑

擢進士黃振為浙江道監察御史 夜月犯角宿

南星

壬寅

五春

上御奉天殿群臣行賀禮賜宴 兀者左衛都指揮

鎬升哈及樂寧等衛千百戶陳敬等來朝貢馬賜
賚有差

癸卯

遣勅戒永和王濟煥曰凡朝廷儀物制度等差截
然不可違越比聞爾擅造印章僭用龜紐龜紐惟
親王之寶用之爾擅為之越禮分矣以尔年少及
念尔父同氣之故姑宥不問自今宜謹遵禮法毋
蹈前過 韃官脫脫不花遣所部哈刺乞台等四
十六人貢馬賜之鈔幣

甲辰

忽魯愛衛指揮惱納舉送女直頭目阿羊加等至
京授官有差仍賜賚遣還 烏思藏怕木竹巴灌
頂國師闡花王吉刺思巴監藏巴里藏卜必力工
瓦闡教王領直巴兒吉監藏及止覺大乘法王昆
澤思巴淨慈弘智廣慧大國師日托巴灌頂慧慈
淨戒大國師端行監藏等遣使公奇兀等貢佛像
舍利并方物賜鈔幣等物

丙午

朝鮮國王李芳遠遣陪臣金得壽等貢鞍馬金銀
器等物賀明年正旦 女直野人撒里亦答等來
朝置阿真同直衛授指揮同知僉事等職賜誥印
冠帶襲衣及鈔幣有差 金吾右衛千戶萬億以
公務至行在

上念億故父有舊勞陞億本衛指揮僉事

戊申

建州衛指揮李顯忠奏顏春地方月兒速奇願率
家屬歸附居建州從之仍賜賚如例

己酉

昔烈河女直野人可郎加等來朝奏願於兀者前

衛指揮哈鼻各處同居從之授千百戶等職賜賚如例

庚戌

和寧王阿魯台遣使苦出帖木兒等八十三人貢馬賜鈔四萬八千錠文綺綵絹各二千疋償其馬價仍宴賚之遣還備倭指揮使谷祥等言太倉城中有太倉鎮海二衛舊獨令太倉衛守城城寬兵少防閑不周請令二衛共守從之

辛亥享

太廟命皇太子行禮是月浙江海寧金鄉松門海

門昌國定海各衛增置烽火^火候瞭高臺七十二所是歲天下戶九百四十四萬三千七百六十六口五千一百五十萬一千八百六十七賦稅糧三千二百六十九萬五千八百六十四石布帛二十四萬二千五百一十一疋絲綿十二萬八千七百五十九斤綿花絨四十一萬五千四百四十四斤課鈔千六百八十七萬九千九百四十四錠金三千六百六十二兩銀二十九萬八千五百五十二兩錢三千二百一貫銅二千五百七十五斤鐵二十一萬四千三百九十九斤鉛七萬九千六百九十三斤硃砂千五百

四兩海肥三十四萬四百四十五索茶一百萬四千六百九十斤鹽百四十三萬一千七百七十四引七田子粒九百二十八萬二千一百八十石馬五十一萬四千四百三十九匹 餽運北京糧五百八萬八千五百四十四石 交陞上共絹千二百五十二足翠羽三千扇一萬漆二千四百斤

太宗文皇帝實錄



